

UGOVOR ZA SERVISIRANJE I ODRŽAVANJE TELEFONSKE CENTRALE I MREŽNIH INSTALACIJA

sklopljen između

1. **BOSNA I HERCEGOVINE - USTAVNI SUD BOSNE I HERCEGOVINE**, Reisa Džemaludina Čauševića 6/III, 71000 Sarajevo, u daljem tekstu **Naručilac**, koga zastupa **Nataša Vuković**, generalni sekretar (Naručilac);
- i
2. **SILNICA d.o.o.**, Društvo za inženjering, trgovinu, održavanje i montažu komunikacijske opreme Sarajevo, Ul. Dr.Silve Rizvanbegović 22, 71000 Sarajevo, ID broj 4200483870004, u daljem tekstu **Izvršilac**, kojga zastupa direktor **Senad Mehić** (Izvršilac).

PREDMET UGOVORA

Član 1.

Predmet ovog ugovora je servisiranje i održavanje telefonske centrale Panasonic KX-TDA200 sa pripadajućim telefonskim i telefax aparatima i preraspodjela postojećih lokala, kao i nabavka rezervnih dijelova, te usluge održavanja mrežnih instalacija.

SERVISIRANJE I ODRŽAVANJE TELEFONSKE OPREME

Član 2.

Servisiranje i održavanje telefonske opreme obuhvata sljedeće usluge prema pozivu:

- preventivni pregled tel. centrale sa ispitivanjem i provjeravanjem ispravnosti djelovanja sistema
- preventivni pregled djelovanja napojnih uređaja i održavanje akumulatorskih baterija
- otklanjanje grešaka sa popravkom na centrali, otkrivenih kod redovnog održavanja
- otklanjanje grešaka sa zamjenom neispravnih elemenata, otkrivenih kod održavanja
- unošenje promjena i dopuna postojećih programa
- promjena na ograničenju izlaza za gradski i međugradski saobraćaj
- eventualna zamjena telefonskih aparata
- popravke telefonskih aparata
- davanje uputstava za pravilno i stručno rukovanje sa uređajima
- vođenje evidencije nastalih grešaka i izvršenih popravki
- preraspodjela postojećih lokala.

CIJENA

Član 3.

Jedinične cijene za usluge iz ovog ugovora definisane su ponudom Izvršioca broj 012/21 od 26. januara 2021. godine koja čini sastavni dio ovog ugovora.

Cijena norma sata za redovni servis, popravak ili preraspodjelu postojećih lokala 1/h – 20,00 KM bez uračunatog PDV-a odnosno 23,40 KM sa uračunatim PDV-om.

Član 4.

Cijene ne obuhvataju ugrađene rezervne dijelove i potrošni materijal.

U slučaju identifikacije kvara i utvrđenog rezervnog dijela koji treba zamijeniti, Izvršilac je dužan dostaviti cijenu rezervnog dijela (predračun) u roku od 12 sati. Naručilac zadržava pravo provjere cijene rezervnog dijela na tržištu (putem ispitivanja tržišta, interneta, ...) i prigovora na istu. U slučaju da Naručilac sam nabavi rezervni dio, Izvršilac je dužan ugraditi ga u skladu sa uslovima navedenim u ponudi.

USLOVI PLAĆANJA

Član 5.

Računi za usluge, izvršene po ovom ugovoru, ispostavljaju se po izvršenim uslugama bez primjedbi.

Član 6.

Kao dan nastanka obaveze plaćanja kupca smatra se dan prijema računa na protokol Naručioca.

Član 7.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po izvršenju usluga i prijemu fakture bez primjedbi, fakturu proslijediti na plaćanje Ministarstvu finansija i trezora BiH.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 8.

Za rezervne dijelove, koje će Izvršilac upotrijebiti prilikom izvršavanja ugovorenih obaveza po ovom ugovoru, ispostavlja se poseban račun po istim uslovima plaćanja iz Člana 7. ovog ugovora.

Član 9.

Radovi i materijal, koji će se iskoristiti za izvršavanje usluga, a koje nisu predmet ovog ugovora, zaračunavaju se sa posebnim računom.

VAŽENJE UGOVORA

Član 10.

Ugovor stupa na snagu danom potpisivanja od strane ovlaštenih lica ugovornih strana i zaključuje se na period od godinu dana.

Član 11.

Sve promjene ovog ugovora moguće su jedino u pismenom obliku uz suglasnost ugovornih strana.

Kod promjene zakona odnosno propisa na kojima se temelji ovaj ugovor, ugovorne strane će sklopiti novi ugovor.

Član 12.

Za sve uslove u međusobnom poslovanju, koji nisu obuhvaćeni ovim ugovorom, primjenjivaće se Zakoni o obligacionim odnosima u BiH.

IZVRŠENJE UGOVORA

Član 13.

Naručilac se obavezuje da kvar na uređajima prijavi Izvršiocu, na tel: 033/782-915, fax: 033/782-916, mobitel 061/244-739 ili na mail info@silnica.ba

Član 14.

Izvršilac se obavezuje početi sa popravkom kvara u najkraćem roku, a najkasnije u roku od 2 sata od preuzetog poziva, što ne važi za neradne dane.

Član 15.

Naručilac i Izvršilac saglasni su, da će kao dokaz o izvršenom radu i utrošenom materijalu služiti radna dokumentacija izvođača, koju će Naručilac ovjeriti potpisom.

Član 16.

Naručilac se obavezuje, da će Izvođaču osigurati slijedeće:

- slobodan prilaz do elemenata održavanih uređaja
- redovno čišćenje prostorija u kojima se nalaze uređaji
- odrediti osobu, koja će kontrolisati radove Izvršioca i potpisivati u ime naručioca svu radnu dokumentaciju
- omogućiti prilazak servisnog vozila.

GARANCIJA I REKLAMACIJE

Član 17.

Izvršilac garantuje da će sve usluge iz ovog ugovora izvršiti kvalitetno po propisima i standardima koji važe za komunikacijsku opremu i isporučivati kvalitetne rezervne dijelove.

Član 18.

Naručilac će reklamaciju za istu grešku ili novougrađeni materijal javiti u roku od 30 dana po prijemu fakture, da bi Izvršilac priznao navedenu grešku kao reklamaciju.

KONAČNE ODREDBE

Član 19.

Sve sporove koji bi nastupili iz ovog ugovora i ne bi se mogli rješavati po dogovoru između ugovornih strana rješavat će Sud Bosne i Hercegovine u Sarajevu.

Član 20.

Ugovor je sačinjen u četiri (4) primjerka, od kojih obje ugovorne strane zadržavaju po dva (2) primjerka.

IZVRŠILAC

NARUČILAC

SILNICA d.o.o

Senad Mehić
Direktor

Datum: 28.01.2021
Broj: S-C 12/21



Nataša Vuković
Generalni sekretar

Datum: 28. januar 2021. godine
Broj: SU-08-130-3/21